

大明三藏法數卷第十六

稼八

上天竺前住持沙門一如等奉勅集註

大乘五位 出華嚴經疏 既演表鈔

資糧位 謂十住十

行十回向諸位菩薩以福德智慧為助道

資糧故名資糧位 十住者發心住治地住

正住正心住不退住童真住法王子住

頂住也十行者歡喜行饒益行無畏行

無盡行離塵亂行善現行無著行尊重行

善法行真實行也十四向者救一切眾生

至一切處回向無盡功德藏回向隨順平

等善根回向隨順等觀一切眾生回向真

如相回向無縛解脫回向法界無量回向

一 加行位 謂四加行位菩薩由得福智

資糧加功用行而入見道住真如性是名

加行位 四加行者煖頂忍世第一也

二 達位 亦名見道 謂初地菩薩體會真如智照

於理得見中道故名通達位 初地即歡喜地也

三 修習位 謂第二地至第十地菩薩得見道

已為斷除障而復修習根本之智故名修

習位 第二地至第十地者離垢地發光地

地善慧地法雲地也根本智者即菩薩親證本有之智也

四 究竟位 謂

妙覺佛證此果位最極清淨更無有上故

名究竟位 妙覺者自覺覺他覺行圓滿不可思議也

菩薩有五種生 出地持經

一 息苦生 謂菩薩以願

力自在力於饑饉世受大魚等身以肉救

濟一切眾生於疾病世為大醫王救治衆

生於刀兵世為大力主以善方便誠信之

言等心救濟息於戰諍於繫縛鞭打逼迫

之處為息惱故生於王家以正法化邪見

衆生於外道奉事天神造諸惡行之家亦

生彼處斷彼邪見及諸惡行如是無量生

處悉皆往生是名息苦生 **二 隨類生** 謂菩

薩以願力自在力於種種衆生天龍鬼神

菩薩五種相 出莊嚴經論 **憐愍相** 謂菩薩以慈

悲菩提之心愍念一切衆生廣行方便饒

益攝受是為憐愍相 **柔語相** 謂菩薩能

於一切佛法巧妙宣說柔言軟語令諸衆

生而得正信是為愛語相 **勇健相** 謂菩

薩為衆生故於諸難行苦行而悉行之不

生退屈是為勇健相 **開手相** 開手者開

手以物與人也謂菩薩悲願深重能行布

施齊貧拔苦而以財慧普攝一切是為開

手相 **釋義相** 謂菩薩為衆生故施無礙

辯解經釋義以最上法而攝受之是名釋

義相

菩薩五種自在 出大寶積經 菩薩悲智並運萬行

滿足其於壽命受生等事故得自在無礙

也 **壽命自在** 謂菩薩成就法身慧命了

阿修羅等及諸外道邪見惡行等類菩薩

悉生其中為其導首引令入正及以善法

廣為宣說是名隨類生 **勝生** 謂菩薩示

現受生於壽命色力果報勝過一切天人

是名勝生 **四增上生** 謂菩薩從淨心住乃

至最上菩薩住在所受生而獨殊勝於閻

浮提自在受生乃至大自在究竟地一切

受生處於中最高奇特是名增上生 淨心住者

即十地中第七地也此地菩薩離諸惑業故名淨心最上菩薩住即第十法雲地也

居九地之上故名最上梵語閻浮提華言勝金洲大自在究竟地者即色界天主所

住處也 **五最後生** 謂最上菩薩住受生時求

證菩提萬行滿足生利利婆羅門家得阿

耨多羅三藐三菩提作一切佛事是名最

後生 梵語菩提華言道梵語利華言田主即王種也梵語婆羅門華言淨行

梵語阿耨多羅三藐三菩提華言無上正等正覺

提華言無上正等正覺

無生死壽夭延萬劫不為長促一念不為短但為度脫有情以諸方便而隨機示現長短壽命之相其心無所罣礙是為壽命自在
謂菩薩為度脫有情以大悲心隨類受生饒益一切處天宮不為樂入地獄不為苦去住無礙是名生自在
謂菩薩萬行具足悲智雙運或現神通或說妙法或入禪定或修苦行所作行業但為利他縱任無礙是為業自在
初心曰覺細心曰觀謂菩薩或修禪觀之行或起利生之心雖有思惟離諸散亂隨願度生平等無礙是為覺觀自在
謂菩薩因行深廣果報殊勝於一切所須之具不假營為自然周足心無染礙是為眾具果報自在

五怖畏

出百法論鈔并毘婆沙論

一不活畏

謂初學菩薩

雖行布施之行而不能盡已所有又恐自

己不能過活是名不活畏

二惡名畏謂初

學菩薩雖欲與眾同而攝化之入諸

酒肆等恒懼譏謗不得似大菩薩安行自

若是名惡名畏

同事者同其所作即酒肆後以同事攝諸眾生逆行順化屠坊酒肆無往不可所以安行自若也

三死

謂初學菩薩雖欲運廣大心內外俱施然有時施以財物而於身命顧惜不能自捨是名死畏

內外施者內則身命外則財物等也

四惡道

謂初學菩薩懼生惡道於不善法分別對治令其不生是名惡道畏

五大眾威德

謂初學菩薩或於王庭執理之處或於善解法義人前申宗敵論唯恐有失是名

大眾威德畏

小乘五位 出天台四教儀 **資糧位** 資糧位者如人

遠行必資糧以為路資也其位有三一五

停心二別相念三總相念若欲出於三界

必以此三種觀法而為資糧也 五停心者

生不淨觀二多嗔眾生慈悲觀三多瞋眾生數息觀四惡癡眾生因緣觀五多障眾生念佛觀別相念總相念者謂四念處一

觀身不淨二觀受是苦三觀心無常四觀法無我若各觀察則名別相念若總觀察則名總相念三界者欲界色界無色界也

一希行位 加行位者其位有四一煖位 如木

火未見火出先得煖相以喻 二頂位 觀

加行位人未見智火已得煖相 三忍位 行

轉明如登山 三忍位 忍即忍可之義謂於

頂忍皆明了 三忍位 苦樂滅道四諦之法

忍可而樂修也 四世第一位 於理雖未能證謂此

而於世間最勝 四世第一位 而於世間最勝

四位加功用行取證道果也 **二見道位** 見

道位者即聲聞初果也謂斷三界見惑而

見真空之理故名見道也 初果即須陀洹也 **四修**

道位 修道位者謂修四諦道法斷欲界思

惑而證第二第三果故名修道也 第二果

舍第三果即阿那含也 **五無學位** 無學位者即聲聞

第四果阿羅漢也此位斷三界見思惑盡

真理究竟無法可學故名無學也 梵語阿羅漢華

言無學人云無生 初度五人 出翻譯名義 謂佛初出家入山修道父

王思念乃命陳如等五人尋訪隨侍及佛

成道因念五人當先度脫故在鹿苑先調

其根性為說苦集滅道四諦之法而得解

脫是為初度五人也 **阿若憍陳如** 梵語

阿若華言已知此其名也梵語憍陳如華

言火器此其姓也以其是婆羅門種由先

世事火故云火器乃佛之舅氏也 梵語婆羅門華

言淨行事火者法華文句云火有二義照也燒也照則暗不生燒則物不生所以事

之因為 **頌讚** 梵語頌鞞華言馬勝亦云

姓也

馬師乃佛之家族也 **三跋提** 梵語跋提華

言小賢乃佛之家族也 **四十** 梵語

迦葉又云婆敷 無亦佛之舅氏非大迦葉

亦非三迦葉也 大迦葉即摩訶迦葉三迦葉即優樓頻羅迦葉耶提

迦葉也 **五拘利太子** 拘利太子乃斛飯

王之長子即佛之從兄弟也

五種聲聞 出法華文句 **久習小乘** 謂久習小乘

積劫功圓而證得小果是名決定聲聞 **退道聲聞** 謂此聲聞本習大乘積劫修道

中間為厭生死退大道心取證小果是名

退道聲聞 **應化聲聞** 謂諸佛菩薩為前

二種聲聞故內祕佛菩薩之行外現聲聞

之形引誘小乘令入大乘是名應化聲聞

四增上慢聲聞 謂厭居生死欣樂涅槃修

習小乘以少為足未得謂得未證謂證是

家八

名增上慢聲聞 **大乘聲聞** 謂以佛道聲

令一切聞不佳化城終歸寶所是名大乘

聲聞 化城者無而倭有名化防非禦敵名

城以喻小乘涅槃能防見思之非而

即大乘寶相之理也 **定性聲聞** 因果不易名

曰定性聞佛聲教而得覺悟名曰聲聞謂

惟習聲聞之因而證聲聞之果更不進求

佛道是名定性聲聞也 **定觀** 謂觀

因緣生滅之法覺悟真空之理故曰緣覺

謂唯習緣覺之因而證緣覺之果更不進

求佛道是名定性緣覺也 **菩薩** 菩薩

梵語具云菩提薩埵華言覺有情謂菩薩

悲智雙運寬親等觀廣利衆生證菩提果

是名菩薩性也 **不定** 謂遇緣熏習修

行不定若近聲聞而習聲聞法若近緣覺

而習緣覺法若近菩薩而習菩薩法各隨所習而成其性是名不定性也

五無種性

無種者無善種也謂人撥無因果不受化度甘溺生死不求解脫是名無種性也

五種阿那含

出涅槃經

梵語阿那含華言不來又

云不還謂不還來欲界受生即第三果也以其根有利鈍行有勤怠於證阿羅漢果有先後之不同故分爲五也

梵語阿羅漢華言無學又

一中般涅槃

中即中陰亦名中有以

人死之後未得托生之識身也梵語般涅槃華言滅度謂此阿那含從欲界沒生色界時於色界中有身便斷上地餘惑證阿羅漢得般涅槃也

上地即無色界也

一生般涅槃

生者於色界受生也謂此阿那含於欲界

得第三果已從欲界沒生於色界便斷上

地餘惑得阿羅漢入般涅槃也

三有行般

涅槃有行即加功用行也謂此阿那含於欲界得第三果已從欲界沒生於色界不能速疾趣涅槃果更經多時勤修加行方

斷上地餘惑得阿羅漢入般涅槃也

四無

行般涅槃無行即不加功行也謂此阿那含於欲界得第三果已從欲界沒生於色界更經多時不能加功用行懈怠慢縱任

運經久方斷上地餘惑得阿羅漢入般涅槃也

五上流般涅槃

上即無色界流即流

行謂此阿那含從欲界沒生於色界不能便證涅槃要須流行色界餘天之中次第生已方斷上地餘惑得阿羅漢入般涅槃

也

餘天即色界初禪後二禪三禪四禪天也

五果回心出經五果須陀洹斯陀舍阿那舍

阿羅漢辟支佛所證之果也謂此五人經

劫不等斷盡煩惱回心向大證取菩提故

名五果回心劫梵語具云劫波華言分

果八萬劫回心初果即須陀洹也謂斷三

結之惑而得此果超四惡趣於人天中七

返受生方斷諸苦入於涅槃過八萬劫當

得無上正等菩提是名初果回心梵語須陀洹華

言預流謂出凡流而預聖流也三結者身

見戒取疑即三界見惑也四惡趣者修羅

趣餓鬼趣畜生趣地獄趣也七返者天上

人間共七翻也梵語涅槃華言滅度

果六萬劫回心二果即斯陀舍也謂斷欲

界六品思惑而得此果於天人中一翻受

生方斷諸苦入於涅槃過六萬劫當得無

上正等菩提是名二果回心梵語斯陀舍華言一往來

五塵而起貪愛之心曰思此惑有九品今云六品者謂斷九品中前之六品也

果四萬劫回心三果即阿那舍也謂斷五

下分結而得此果更不受生過四萬劫當

得無上正等菩提是名三果回心梵語阿那舍華

言不來謂不來欲界受生也五下分結者即欲界貪嗔身見戒取疑也

果一萬劫回心四果即阿羅漢也謂永斷二

界貪欲嗔恚愚癡之感而得此果過二萬

劫當得無上正等菩提是名四果回心梵語阿羅漢華言無生謂斷見

思惑盡更不受三界生也

果十千劫回心五果即辟支佛也謂永斷三界貪欲瞋

恚愚癡之感而得此果過十千劫當得無

上正等菩提是名五果回心辟支梵語具云辟支迦畢

華言緣覺

五分法身出法華玄義釋義五分法身者分即分齊

法者戒定慧諸法也身者聚也聚集諸法

以成其身也

聚集諸法者謂聚集色受想行識之法也

戒

謂二乘因持無作之戒戒法成就證得此

身故名戒身

二乘者聲聞乘緣覺乘也無作戒者不作意持任運無犯

名無作戒也

戒

謂二乘因修無漏淨禪證

此身故名定身

無漏者不漏落生死也淨禪者謂因修禪定能斷諸

漏漏即三界煩惱既盡煩惱心則清淨故名無漏淨禪也

慧身

謂二

乘因修無漏智慧得證此身故名慧身

無漏

諸慧者即是觀十二因緣及觀四諦之智慧也修此智慧者即能斷三界煩惱出離有漏生死也

四

解縛得脫抄名解脫有

二種一者有為解脫謂以無漏智慧斷有

漏煩惱二者無為解脫謂一切煩惱滅盡

無餘煩惱既盡理本無為由二種解脫得

證此身故名解脫身

知見身

知以

智知見以眼見謂二乘因此智眼於一切

法知覺照了當體即空悉皆如幻得證此

身故名解脫知見身

五論師

出翻譯名義

阿濕縛窣沙論師

梵語阿

濕縛窣沙華言馬鳴摩訶衍論云過去世

中有一大王名曰輪陀有千白鳥皆悉好

聲若鳥出聲大王增德若不出聲大王損

德如是諸鳥若見白馬則出其聲若不見

時常不出聲爾時大王徧求白馬終日不

得作如是言若外道衆能令此鳥鳴者都

破佛教若佛弟子能令此鳥鳴者都破外

道爾時菩薩用神通力現千白馬令千鳥

衆

十

皆鳴紹隆正法令不斷絕是故世尊字此

菩薩名曰馬鳴又本傳云此師說法時能

感羣馬悲鳴故號馬鳴以其造起信論大

乘莊嚴等論故稱論師

那伽曷樹那論

梵語那伽曷樹那華言龍猛舊翻龍樹

其母於樹下生之因龍成其道故號曰龍樹輔行云龍樹之學廣通天下無敵欲謗佛經龍接入宮一夏但誦七佛經目知佛法深妙遂出家降伏外道明第一義以其作中觀大智度等論故稱論師也

三提婆

論師 梵語提婆華言天乃龍樹弟子也以其造百論大丈夫等論故稱論師

四鳩摩羅

羅暹多論師 梵語鳩摩羅暹多華言童受

以其闡揚論義故稱論師

五至利暹多論

師 梵語室利暹多華言勝受謂此論王如

日照世能破諸暗故稱論師

五種法師出法華又句 法者軌則也師者匠也法

雖可軌體不自弘弘之在人是故五種弘

經之人皆得稱為法師也

受持 信力故

受念力故持謂於如來言教以堅固深信

卷八

十

受之於已憶持不忘是為受持法師

一讀 **經** 對文曰讀謂正心端坐目覩經文口宣

句讀是為讀經法師

二誦經 背文曰誦謂

習讀既熟不須對文自然成誦是為誦經

法師

四解說

謂聖教之義難解若能分明

解釋訓授於人是為解說法師

五書寫 謂

於諸佛經典若能書寫廣傳流通大法是

為書寫法師

五種阿闍黎出四分律 梵語阿闍黎華言軌範謂

其能為人軌範故云阿闍黎也

一出家阿

闍黎 出家阿闍黎者即比丘剃度之師也

謂出家者必須依師而得剃度律云所依

得出家者是也

梵語比丘華言乞士

二受戒阿闍黎

受戒阿闍黎者即比丘受戒之師也謂既

得出家必須依師求受戒法律云於受戒

時得作羯磨者是也 梵語羯磨 **三教授阿**

闍黎 教授阿闍黎者即比丘教授之師也

謂既得戒法必須得師教授威儀律云從

教授得威儀者是也 **四受經阿闍黎** 受經

阿闍黎者即比丘受經之師也謂出家者

必須依師受習經文解說義理律云從所

受經得讀修妬路若說義乃至一四句偈

等是也 梵語修妬路又云 **五依止阿闍黎**

依止阿闍黎者即比丘依止之師也謂比

丘度夏當依師住或依止作宿律云乃至

依住一宿者是也

五種大師功德 出瑜珈師地論 **一戒行無失** 謂比丘

於如來所制戒律常能堅守執持無有毀

犯過失具是功德方宜為人戒法之師也

梵語比丘 **二善建立法** 謂比丘於諸戒律

華言乞士 後八 十三

善能建立一切法則令人修學無所違越

具是功德方宜為人戒法之師也 **三善制**

立所學 謂比丘於律儀中當學之法善能

裁判安立令無差謬具是功德方宜為人

戒法之師也 **四善斷疑惑** 謂比丘於所建

立法則及所當學或眾有所疑善能廣為

開說斷除其惑令得如式修持具是功德

方宜為人戒法之師也 **五教授出離** 謂比

丘以如來所制戒法教授於人令其如法

受持成就聖道出離生死具是功德方宜

為人戒法之師也

五種僧 亦名五僧差 **一無耻僧** 謂毀犯禁戒

不守具風形預僧流行過俗務是名無耻

僧 **二瘞羊僧** 謂於三藏教無所了達譬如

瘞羊無辨說用是名瘞羊僧 三藏教者經

律藏論藏

也

三朋黨僧

謂好於遊散惟務鬪諍善生

機巧結構朋黨是名朋黨僧

四世俗僧

謂

昏昏度日兀兀延生心想閑緣身營世務

是名世俗僧

五勝義僧

謂解慧有餘辯才

無礙隨機演教接物利生是名勝義僧

僧五淨德

出諸德
福田經

一發心離俗

謂出家之人

發勇猛心脫離凡俗習佛菩提而能懷佩

道妙為世福田是為初淨德也

梵語菩提
華言道

二毀其形好謂出家之人剃除鬚髮毀壞

相好去世俗之塵衣著如來之法服具佛

威儀為世福田是為第二淨德也

三求割

親愛謂投佛出家割絕父母親愛之情一

心精勤修道以報父母生成之德兼能為

世福田是為第三淨德也

四委棄軀命謂

出家之人能委棄身命無所顧惜惟務一

心求證佛道兼能為世福田是為第四淨

德也

五志求大乘

謂出家之人常懷濟物

之心專志勤求大乘之法度脫一切有情

為世福田是為第五淨德也

苾芻草五德

出翻譯
名義

苾芻雪山香草謂其有

五種德以喻比丘亦具此德故稱為苾芻

也

梵語比丘
華言乞士

一體性柔軟

體性柔軟者以

喻比丘能折伏身語意業之麤獷也

一引蔓旁布引蔓旁布者以喻比丘傳法度人

延綿不絕也

二馨香遠聞馨香遠聞者以

喻比丘戒德芬馥為眾所聞也

三痛能療疼痛者以喻比丘能斷煩惱毒害

之痛苦也

五不背日光不背日光者以喻

比丘正見思惟常向佛日而不背也

比丘入眾五法

舊名入眾五心
出四分僧羯磨

一修慈愍物

謂比丘入大眾中應修慈心憐愍於物嚴淨律儀整束身心精勤學道是為修慈愍物

梵語比丘華言乞士

一謙下自卑

謂比丘入大眾

中常用謙和未絕橋慢應自卑下如拭塵巾是為謙下自卑

二善知坐處

謂比丘入

大眾中動止有時若見上座不應安坐坐若

見下座不應起立是為善知坐處

上座者謂成臘

在前道德聞達之比丘也

四說於法語

謂比丘入於大

眾中不宜雜說論世俗事若自說法若請人說法是為說於法語

五見過默然

謂比

丘入大眾中若見僧中有不如理之事若便言說恐致別異故當安忍默而不言是為見過默然

五眾 出翻譯名義

一比丘

梵語比丘華言乞士乞

是乞求之名士是清雅之稱謂上乞法以

資慧命下乞食以資色身淨命自活福利眾生成破橋慢心謙下自卑以成清雅之德也

淨命者以清淨之食自活其命也

二比丘尼

梵語尼華

言女大智度論云尼得無量律儀故應次於比丘佛以儀法嫌於混雜令在沙門後

故名比丘尼

女人出家始於佛燒母大愛道也梵語沙門華言勤息

三式叉摩那

梵語式叉摩那華言學法女

行事鈔云式叉尼具學三法一根本謂不

作四重

即殺盜淫妄也

二學六法

一不染心相觸二不盜四錢三

不斷畜生命四不小妄語五不非時飲食六不飲酒

三學行法

即大尼所

行一切行法 為學此三法故名式叉摩那

四沙

彌 梵語沙彌華言息慈謂息世染之情以慈濟羣生也蓋出家之人初入佛法多存

俗情故須息惡行慈是名沙彌

五沙彌尼

玄奘法師云梵語室利摩拏理迦華言勤

策女謂勤行善法策進功德故名沙彌尼

乞食遮五處出顯揚聖教論謂比丘乞食此之五處

當避嫌疑不可往也梵語比丘華言乞士**一唱令家**

唱令家者謂歌唱曲令但取歡娛能亂禪

定比丘若行乞食此處不可往也**二媯女**

三家媯女家者行止不潔聲名不正色欲因

緣障道根本比丘若行乞食此處不可往

也**三酤酒家**酤酒家者謂酒是起罪因緣

能生過失比丘若行乞食此處不可往也

四王宮王宮者貴戚之處嚴禁之所非可

干冒比丘若行乞食此處不可往也**五屠**

陀羅又作旃茶羅梵語旃陀羅華言屠者謂屠

者之家殺心盛大惱害衆生見者傷慈壞

善根本比丘若行乞食此處不可往也茶旃

羅者華言嚴熾謂此屠者惡業自嚴行時

振鈴持竹為標幟以使人知其為惡者也

沙門受食五觀出大藏一覽梵語沙門華言勤息

謂勤行善法息滅惡事凡受食時先作五

觀然後方食故名沙門受食五觀也**一計**

功多少量彼來處計功多少者智度論云

此食墾植收穫春磨淘汰歛煮及成工用

甚多量彼來處者僧祇律云施主減其妻

子之分求福故施凡受食時當作此觀**二**

忖已德行全缺應供忖已德行全缺應供

者毘尼母律云若不坐禪誦經營三寶事

及不持戒受人信施為施所墮則不宜受

食德行若全則可應供受食凡受食時當

作此觀三寶者佛寶法寶僧寶也**三防**

防防心離過貪等為宗者明了論疏云出

家先須防心三過謂於上味食起貪下味

食起嗔中味食起癡以此不知慚愧墮三

惡道凡受食時當作此觀 三惡道者餓鬼道畜生道地獄

四正事良藥為療形枯 道也 正事良藥為療

形枯者謂饑渴為主病四百四病為客病

故須以食而為醫藥用資其身凡受食時

當作此觀 四百四病者人身假地水火風四大所成一大不調則生百一

種病四大共成四百四病也 **五為成道業應受此食** 為

成道業應受此食者謂不食則饑渴病生

道業何成增一阿含經云多食致苦患少

食氣力衰處中而食者如秤無高下凡受

食時當作此觀

五種邪命 出大智度論 謂以此五種邪法用求利

養而自活命為比丘者當深戒之 梵語比丘華言

詐現異相 謂諸比丘違佛正教於世

俗人前詐現奇特之相令其心生敬仰而

求利養是為邪命 **自說功能** 謂諸比丘

以辯口利詞抑人揚己自逞功能令所見

者心生信敬而求利養是為邪命 **占相**

占相 謂諸比丘攻學異術卜命相形講談

吉凶而求利養是為邪命 **四高聲現威** 謂

諸比丘大語高聲詐現威儀令人畏敬而

求利養是為邪命 **五說所得利以動人心**

謂諸比丘於彼得利於此稱說於此得利

於彼稱說令人動心而求利養是為邪命

五法不得授人戒 出四分律 謂比丘當深信因果

常生慚愧戒行精進法義無忘方堪授人

戒法若不能如是者則不可也 梵語比丘華言乞士

無信 信為萬善之本眾德之基比丘若

不具足正信則於戒法自必不能持守何

况為師而授人戒也 **一無慚** 慚謂慚耻比

丘之心若無慚耻自必肆情縱慾戒行有

虧故不可為師而授人戒也

三無愧

謂

羞愧比丘之心若無羞愧自必毀犯戒法

不能悔過故不可為師而授人戒也

四願

謂比丘懶惰恣縱則自於戒律必不能

堅守何況為師而授人戒也

四願

謂比

丘於諸法義不能強記心多忘失則自於

戒檢必有所遺故不可為師而授人戒也

五不退 出起信論疏 **一信不退** 謂十信位菩薩發

大信心篤信中道圓妙之理常住平等不

還不變信行滿足而無退轉也

十信者信

心念心精

進心慈心定心不退心護

一位不退

謂菩

薩十信滿足入十住位乃至十行十回向

位即得分見法身住正定位而不退轉也

十住者發心住治地住修行住生貴住方

便具足住正心住不退住重真住法王子

住灌頂住十行者歡喜行饒益行無與根

十行者

行無盡行離癡亂行善現行無著行尊重

行善法行真實行也十回向者救一切眾

生離眾生相回向不壞回向等一切佛回

向至一切處回向無盡功德藏回向隨順

平等善根回向隨順等觀一切衆生回向

真如相回向無縛解脫

三證不退

謂菩薩

三賢位滿即入初地乃至七地證遍滿法

身生無邊佛土而不退轉也

向諸位菩薩也初地至七地者歡喜地離

垢地發光地發慧地難勝地現前地遠行

地也遍滿法身者謂法

四行不退

謂菩薩

七地功德滿足入於第八無功用地一切

功行永無退失也

五煩惱

即

即是菩提豈更有煩惱之可退轉也

前七地更加不動地善慧地法雲地是為

十地也等覺位者去後妙覺佛猶有一等

得稱為覺

樂在外道出家

謂人之

外道則增諸邪見作不善業而菩提之心未有不退失者矣梵語菩提華言道

一不修大慈

之心謂修菩薩行者當以平等大慈之心

愛念一切衆生與其清淨法樂然後得成菩提之果若非此行而菩提之心未有不

退失者矣九**二好求法師過罪**謂修菩薩行

者奉承師長如事父母聽受其教則菩提之果可成若窺伺以求其過則不惟無聽

受之誠且虧事師之道而菩提之心未有不退失者矣**四常樂處在生死**謂修菩薩

行者當勤精進以求出離則菩提之果可

成若耽著五欲造諸惡業於諸生死心無厭離而菩提之心未有不退失者矣五欲者色

五不喜讀誦經典謂修菩薩

行者當信受如來所說經典誠心讀誦求

其妙義依解進修成菩提果若不喜樂受持讀誦則所修之行無所依據而菩提之心未有不退失者矣

五乘出華嚴一乘教義分齊章**佛乘**佛梵語具云佛陀

相之法運諸衆生同到涅槃彼岸故名佛

乘梵語涅槃華言滅度**菩薩乘**菩薩梵語具云菩

提薩埵華言覺有情謂菩薩之人以六度

萬行為乘運諸衆生同出三界故名菩薩

乘六度者一布施二持戒三忍辱四精進五禪定六智慧也三界者欲界色界無

二緣覺乘謂緣覺之人因觀十二因

緣除於我執而悟真空涅槃之理以此之

法運出三界故名緣覺乘十二因緣者一

四聲聞乘謂聲聞之人聞佛聲教修苦集滅道四諦

四名色五六八六觸七受八愛九取十有十一生十二老死也

之法而悟真空涅槃之理以此之法運出

三界故名聲聞乘 **五小乘** 小乘者即人天

乘也謂人天以五戒十善為乘運出四趣

故名小乘 五戒者不殺不盜不邪淫不

不邪淫不妄語不兩舌不惡口不綺語不

貪欲不嗔恚不邪見也四趣者修羅趣餓

鬼趣畜生趣地獄趣也

又五乘 出華嚴一乘教義分齊章 **佛乘** 佛梵語具云佛

陀華言覺乘即運載之義謂如來以一乘

實相之法運諸眾生同到涅槃彼岸是為

佛乘 梵語涅槃華言滅度 **緣覺乘** 謂緣覺之人由

觀十二因緣生滅除於我執等感覺悟真

空之理以此因緣之法運出三界是為緣

覺乘 十二因緣者一無明二行三識四名

十一生十二老死也三界者欲界色界無色界也 **聲聞乘** 謂聲

聞之人聞佛聲教修生滅四諦之法而悟

真空涅槃之理以此四諦之法運出三界

是為聲聞乘 四諦者苦諦集諦滅諦道諦也 **四天乘** 天即

色界天也謂彼諸天修根本有漏禪觀欲

或不染以此根本禪定運出欲界是名天

乘 有漏者謂漏落生死也根本禪即色界禪謂能出生一切禪定故也 **五乘**

乘 梵即淨也謂諸菩薩以慈悲喜捨四無

量心運諸眾生出生死海是名梵乘 慈悲喜捨

者慈能與樂悲能拔苦喜則離苦得樂捨則宛觀平等此四無量心以由眾生無量

故菩薩之心亦無量也

又五乘 出孟蘭盆經疏 乘即運載之義謂人天等各

以所修之法為乘運載至其所至之處故

有五乘也 **人乘** 人者忍也於世間違順

情境悉能安忍故也謂人以三歸五戒為

乘運出四趣生於人道故名人乘 三歸依佛

歸依法歸依僧也五戒者不殺不盜不邪

淫不妄語不飲酒也四趣者修羅趣餓鬼

起畜生趣地獄起也

一乘

天者謂天然自然樂勝

身勝也天以十善為乘運出五道得生欲

天於修十善時更能修習禪定即生色界

無色界天故名天乘十善者不殺生不偷盜不邪淫不妄語不

兩舌不惡口不綺語不貪欲不瞋恚不邪見也五道者人道修羅道餓鬼道畜生道

地獄道也**二聲聞乘**聲聞者聞如來聲教而得

悟道也謂聲聞以四諦為乘運出三界到

於涅槃故名聲聞乘四諦者苦諦集諦滅諦道諦也三界者欲

界色界無色界也梵語涅槃華言滅度**四緣覺乘**緣覺者謂

觀十二因緣覺悟真空之理也以十二因

緣為乘運出三界到於涅槃故名緣覺乘

十二因緣者一無明二行三識四名色五

六入六觸七受八愛九取十有十一生十二老死也**五菩薩乘**菩薩梵語具云菩提薩埵

今稱菩薩者從畧也華言覺有情謂覺悟

一切有情眾生也以六度為乘運諸眾生

同出三界而到涅槃彼岸故名菩薩乘者一布施二持戒三忍辱四精進五禪定六智慧也

五事生天上出經謂諸眾生能行此五事則

得生於天上也**三慈心**謂人不殺眾生愛

惜物命令眾得安是名慈心**二賢良**謂人

不盜他人財物布施無慳濟諸窮乏是名

賢良**三貞潔**謂人不犯外色護戒奉齋是

名貞潔**四誠信**謂人不欺於人護口四過

永無諂佞是名誠信口四過者妄言綺語兩舌惡口也**五**

不醉酒謂人尊崇善法堅修梵行不酗於

酒而發狂亂是名不醉酒

始生天有五種相出正法念處經**一光明覆身相**謂

人初生天時光明覆身身無衣服心作是

念勿令他天見我裸露即於念時他見有

衣而實無衣是為第一相**二欲見園林相**

謂人初生天時已見天上所有之物生希有心而於園林等則未曾見故欲見之而遍觀看是為第二相 **三見天女生慚相** 謂人初生天時見天中女顏色羞慚未敢正看是為第三相 **四見天生疑相** 謂人初生天時若見餘天雖欲前近心生疑慮意志不定是為第四相 **五升空生怖相** 謂人初生天時欲升虛空心生怖畏設飛不高去則不遠或傍城壁或依附地是為第五相 **五淨居天** 出楞嚴經 五淨居天者謂聲聞之人斷欲界九品思惑盡證第三阿那含果而居其中亦名五不還天若據俱舍圖言此五天次第而上若據楞嚴經言此五天皆橫在第四禪天中彼四禪天但能聞此五天之名而不能知見如世間聖地道場多有

殊八

三

羅漢所居而人不能見也 九品者欲界思

又各分上中下三品故言九品也梵語阿那含華言不來不來即不還謂不還來欲界受

一無煩天 謂此天苦樂兩滅心境不生也 苦樂兩滅者

交則無煩惱故名無煩天也 離欲界苦及

色界樂也心境不交 者心與境不交接也

二無熱天 熱即熱惱

謂此天機括獨行研交無地故名無熱天也 機括獨行者機謂等牙括與苦同謂謂

也 所受之樂之處皆取可發之義以喻於心也前苦樂之境雖滅猶存能滅之念故云

機苦獨行至此天中研究此心與境交接之念無依無處則無熱 惱故云研交無地也

三喜見天 謂此天

於十方世界妙見圓澄更無塵像及一切

沉垢故名善見天也 十方世界等者謂一

慈心中見十方界圓徧發疑更無世 界內外塵像及無心地昏沉之垢也

四現天 謂此天精見現前陶鑄無礙故名善

現天也 精見現前陶鑄無礙者範土曰陶

像空無障礙故也 金曰鑄以妙精明見陶鑄一切



謂此天究竟羣機

窮色性性入無邊際故名色究竟天也究竟

羣幾者幾謂幾微言究竟諸色幾微之處也窮色性性入無邊際者色性所依之性故云性性性本無邊若研窮之則入於無邊際矣

初禪天定五支功德出法界次第支即支分如樹

之根幹是一枝條有異禪支之義亦爾從

一定心出生五支故也又支持之義謂定

心淺薄易於搖動若得覺觀等法支持則

定心安隱牢固故名支也 **一覺支** 初心在

緣為覺謂行者於定中發初禪清淨色法

觸其身根心大驚悟爾時初覺此觸故名

覺支 **二觀支** 細心分別為觀謂行者既證

初禪即以細心分別禪中諸妙功德境界

分明故名觀支 **三喜支** 欣慶之心為喜謂

行者獲得初禪天定利益甚多如是思惟

歡喜無量故名喜支 **四樂支** 怡悅之心為

法八

三言

樂謂行者喜心既息則恬然靜慮受禪之

樂故名樂支 **五捨支** 心與定法相應為

一謂行者初證禪時心依覺觀喜樂之法

故有細微散亂若喜樂心息自然心與定

一故名一心支

二禪天定五支功德出法界次第 **捨支** 離喜不

悔之心為捨謂行者欲離二禪時以種種

因緣訶責於喜喜既滅謝三禪即發若證

三禪之樂則捨二禪之喜不生悔心故名

捨支 **念支** 念即愛念謂行者既發三禪

之樂樂從內起應須愛念樂則增長故名

念支 **慧支** 解知之心為慧謂行者既發

三禪之樂此樂微妙若非善巧解慧則不

能方便長養故名慧支 **樂支** 怡悅之心

為樂謂行者發三禪樂已若能善用捨念

慧三支將獲此樂樂則徧身若離三禪餘

地更無徧身之樂故名樂支**五一心支**心

與定法相應為一謂行者受樂心息則心

與定一澄淨不動故名一心支

欲天五婬出天台四教儀集註**三**地居二天形交成婬

謂四天王天居須彌山腹忉利天居須彌

山頂故名地居此之二天男女和合與世

無異也四天王者東方持國天王南方增

天王也梵語須彌華言妙高梵語忉利華言三十三**二**夜摩天勾抱

成梵語夜摩華言善時分此天於諸欲

境知時分故不以形交但勾抱也**三**兜率

天執手成婬梵語兜率華言知足此天於

諸欲境知止足故而不勾抱但執手也**四**

化樂天對笑成婬謂此天欲心微薄亦不

執手但對笑也**五**他化天相視成婬謂此

天欲念漸盡亦不對笑但相視也

五種梵音出長阿含經梵音者即大梵天王所出

之聲而有五種清淨之音也**一**正直音謂

諸梵天禪定持身無諸欲行而其音聲端

正質直而不邪曲是名正直音**二**和雅音

謂諸梵天心離欲染愛樂律儀而其音聲

柔和典雅離諸麤穢是名和雅音**三**清徹

音不濁曰清透明曰徹謂諸梵天戒行清

淨心地圓明而其音聲清淨明徹是名清

徹音**四**深滿音謂諸梵天淨行圓滿心光

湛寂而其音聲幽深充滿而不淺陋是名

深滿音**五**周遍遠聞音足備曰周普遍曰

遍謂諸梵天心光瑩淨普映十方而其音

聲周遍遠聞而不迫窄是名周遍遠聞音

天大五衰相出法苑珠林**一**衣服垢穢謂諸天眾

珠衣妙服光潔常鮮福盡壽終之時自生

垢穢是為大衰相也珠衣者十泰重曰珠

名珠謂諸天衆寶冠珠翠彩

色鮮明福盡壽終之時頭上冠華自然萎

悴是為大衰相也

後天謂諸天衆

勝體微妙輕清潔淨福盡壽終之時兩腋

自然流汗是為大衰相也

四身體臭穢謂

諸天衆妙身殊異香潔自然福盡壽終之

時忽生臭穢是為大衰相也

五不樂本座

謂諸天衆最勝最樂非世所有福盡壽終

之時自然厭居本座是為大衰相也

天小五衰相 出法苑珠林 **樂聲不起** 謂諸天音

樂不鼓自鳴衰相現時其聲自然不起是

為小衰相也 **一身光忽滅** 謂諸天衆身光

赫奕晝夜昭然衰相現時其光不現是為

小衰相也 **三浴水者身** 謂諸天衆肌膚香

膩妙若蓮華不染於水衰相現時浴水需

身停住不乾是為小衰相也 **四著境不捨**

謂諸天衆欲境殊勝自然無有耽戀衰相

現時取著不捨是為小衰相也 **五眼目數**

瞬 謂諸天衆天眼無礙普觀大千衰相現

時其目數瞬是為小衰相也

國王五種可愛樂法 出佛為優填王說王法政論經 **一恩養**

蒼生可愛樂法 謂國王能布德施仁利濟

羣生使各遂其性咸歸治化是以普天之

下咸被恩澤無不愛樂也 **二英勇具足可**

愛樂法 謂國王英武神授智勇天錫德覆

萬邦威加四海未降伏者能降伏之已降

伏者能攝護之是以普天之下畏威懷德

無不愛樂也 **三善權方便可愛樂法** 謂國

王智謀機變神用莫測於柔順服從者方便而保愛之強戾梗化者則方便而制伏之是以普天之下畏威懷德無不愛樂也

梗化者謂強梗弗順化也

四 此受境界可愛樂法 謂國

王善能籌量府庫儲蓄多寡以仁愛心錫

與親族人民凡疾病者令醫治之貧乏者

悉賑濟之是以普天之下咸被恩澤無不

愛樂也 **五** 勤修善法可愛樂法 謂國王具

足淨信能信過去未來善不善業人天果

報修習正因以證聖果是以普天之下尊

仰效慕無不愛樂也

生淨土五不退

出淨土十疑論

大 悲攝持不退 謂眾

生得生淨土者以阿彌陀佛大悲願力攝

持不捨故得不退轉也 **佛** 光照燭不退 謂

眾得生淨土者常被佛光照燭故菩提

之心日得增長而不退轉也 **常** 聞法百不

退 謂眾生得生淨土者聞諸水鳥樹林風

聲樂響皆說苦空無我之法是以常起念

佛念法念僧之心而不退轉也 **善** 友同居

不 退 謂眾生得生淨土者以由彼國純諸

菩薩以為勝友內無煩惱惑業之累外無

邪魔惡緣之境故一生之後即不退轉也

壽 命無量不退 謂諸眾生得生淨土者即

得壽命無量與佛菩薩平等無二故一生

之後即不退轉也

五事生人中

出辯意經

謂諸眾生能行此五事則

得於人中受生也 **一** 布 施 謂人常行仁慈

不恡財寶賑濟貧窮是名布施 **二** 持 戒 謂

人心常念戒憶持無忘不作諸惡是名持

戒 **三** 忍 辱 謂人若遇非理相干能以情恕

安忍不動是名忍辱

四精進

謂人直心向

道勤行衆善無有懈怠是名精進

五忠孝

謂人秉心端正事君能致其身事親能竭

其力是名忠孝

人有五苦

出法苑珠林并五苦章句經

一母人懷妊從死

得生

謂人托胎居母腹中生臟之下熟臟

之上迫迫倒懸苦痛無量及至出胎熱風

觸身如履刀劍失聲大叫頓味前因是為

生苦

二老人顏色敗壞

謂人老年髮白齒

落目昏耳聾四大不調百節疼痛頭低腰

屈起坐呻吟是為老苦

四大者地大水大火大風大也

三

病人困苦

謂人以四大為體一大不調百

一病生四大不調四百四病同時俱作形

骸苦痛如被杖楚手足不任氣力虛竭起

坐須人是為病苦

四人死風刀斷脉

謂人

釋

字九

臨命終時四大分散痛毒辛酸慈親孝子

莫能相救風刀解身苦不可忍是為死苦

五犯罪人束縛送獄

謂人違國正法冒犯

罪愆枷鎖縈身繫閉牢獄受諸刑罰苦不

可言是為獄苦

衆生五事恃怙

出出曜經

恃怙猶倚賴也佛為愚

癡衆生恃怙所有不念世相無常恣意放

逸不求出世無為之道故說此五事以警

發之

一恃怙年少

謂人倚賴年少血氣剛

強隨情任意恣作非為而不顧衰老之逼

身也

二恃怙端正

謂人倚賴形貌端正嬌

媚於人取相生欲不自羞愧而不顧老醜

之逼身也

三恃怙力強

謂倚賴勢力強盛

任作威福凌蔑於他無所畏忌不顧衰患

之逼身也

四恃怙器量

謂倚賴才調器量

超越卓異妄自尊大輕藐於人而不顧禍
患之逼身也五時法貴族謂人倚賴種族
尊貴閥閱高顯憍傲縱恣侮慢於人而不
顧衰敗之相尋也

大明三藏法數卷第十六